

JAVNI POZIV

ZA IZBOR POLAZNIKA V ŠKOLE MEDIJSKOG PRAVA

„Sigurnost novinara i novinarki: od online prijetnji do fizičkog napada“

V Škola medijskog prava, koja će se održati od 17. do 21. septembra 2025. godine u Sarajevu, okupit će 18 studenata sa prostora cijele BiH kako bi učili i raspravljali o isprepletenosti slobode govora i sigurnosti novinara i novinarki kao i o pozitivnim obavezama države da spriječi online i fizičko nasilje, a kad se ono desi da ga evidentira, efikasno procesuiru i adekvatno kazni. Studenti će se upoznati sa specifičnostima prijetnji i napada koji ciljaju novinarke i sa posljedicama koje ostavljaju po njihovu slobodu govora, novinarsku zajednicu i raznolikost medijskog izvještavanja. Posebna pažnja će biti posvećena pravu Evropske unije, s detaljnim osvrtom na Preporuku Evropske komisije o zaštiti, sigurnosti i osnaživanju novinara iz 2023. godine. Pored toga, tokom Škole će biti diskutirano kako Odluka Ministarskog vijeća OSCE-a o sigurnosti novinara i novinarki iz 2018. godine i postojeća praksa regionalnih i međunarodnih tijela za zaštitu ljudskih prava može doprinijeti kreiranju adekvatnog i efikasnog domaćeg pravnog režima za zaštitu novinara i novinarki. U konačnici, studenti će svoje učešće na V Školi medijskog prava zaključiti učešćem u simulaciji javne rasprave pred Evropskim sudom za ljudska prava.

Školu medijskog prava organizuju Univerzitet u Sarajevu – Pravni fakultet, Evropska unija u BiH i Misija OSCE-a u BiH. Škola je akreditovani program necikličnog obrazovanja Univerziteta u Sarajevu, koji se vrednuje sa 3 ECTS boda.

KO SE MOŽE PRIJAVITI? Studenti I i II ciklusa studija pravnih fakulteta u BiH.

KAKO SE PRIJAVITI? Prijavite se putem sljedeće poveznice:

https://forms.office.com/Pages/ResponsePage.aspx?id=cCV2fthCHUiYBqX3Q1_Q5jM_JhrDJ8dOnW4jsGjzBl5UNVdMSFpBTFRYSUFGN0NSVUEzUk5KTFINUi4u

DO KADA SE MOŽETE PRIJAVITI? Prijaviti se možete do 15.06.2025. godine, do 17,00 sati. Neblagovremene prijave neće biti razmotrene.

KADA ĆE BITI POZNATI REZULTATI SELEKCIJE? Izabrani polaznici će biti obaviješteni emailom najkasnije do 19.06.2025. godine, do 12,00 sati.

IMATE PITANJE? Pošaljite ga na email adresu višeg asistenta Haruna Išerića:

h.iseric@pfsa.unsa.ba.

Nakon izbora polaznika Škole, organizator će polaznicima dostaviti materijal koji će biti potrebno pročitati i savladati prije početka Škole, a sve kako bi se na adekvatan način pripremili za radionice i simulaciju javne rasprave. Troškove smještaja, ishrane i prijevoza za polaznike Škole osiguravaju Misija OSCE-a u BiH i Evropska unija u BiH.